

人物志

宦業

宋

劉鈞字子平天聖進士調洪州司理獄詳平刑無冤滯性恬素不急榮進郡守余靖每為下榻敬禮之

劉炳字韜仲慶歷進士弟景皇祐進士俱為郎唐介以彈外戚及宰執貶英州朝士以餞贈為諱炳兄弟與梅堯臣李師中賦詩以贈因得罪免官人高其義景子敏材為廣東提點刑獄亦以廉稱祀鄉賢

曾逮字仲躬幾仲子為上饒尉手植桂於廳事解任後人懷其德標曰西清桂又有松風亭橫碧軒皆其遺蹟也後歷官戶部侍郎敷文閣待制有習菴集十二卷子臬仕為總卿

贛縣志

卷三十三

宦業

曾集字致虛祿孫紹熙間知南康軍事勤理庶務篤信仁賢慕高安劉渙之為人修其墓割公田以奉祀朱元晦稱其為政知所先後云

嚴宗字伯宗寶慶進士為上高主簿士人多從之遊秩滿受代漕臺以試官闕留之校文寓蕭寺有富家子以五十萬鬻舉者因寺僧以請宗召其人面叱之曰三歲大比公卿大夫繇此途出汝輩不潛心力學乃欲以賄得之乎縛汝詣吏恐人謂我沽名姑已之其人慚沮退即曰白漕司乞迴避人咸服其公廉

陳鳳別號芥軒官朝奉郎監行在豐儲倉剛直有守與趙東野齊名嘗遊吳履齋包宏齋嚴華谷之門甚為諸公所器重其子逢春亦能繼父之志文文山嘗作肖軒說稱之

元

劉明德字作霖至正庚寅赴省試慷慨言時務落第感憤歸益閉戶讀書不衰廣東宣慰使與都刺薦為雷州路儒學教授規條戒訓率先諸生善於其職授慶元路總管府經歷未幾東境盜起勢搖郡邑遂解印歸灌園為終老計卒年僅三十九士林惜之

明

曾魯山元時舉孝廉嘗官於潮後絕意仕進明太祖遣將略定南服過贛強起之魯山以野服見不克辭即日就道南中聞其至率先歸款以功擢潮州太守

黃莊字伯敬篤學操行言動不苟洪武初以明經舉爲本縣訓導歷國子博士十五年新建國學於雞鳴山之陽旣落成改國子學爲國子監車駕臨幸行釋菜禮御講筵祭酒司業博士助教以次進講講畢賜各官羅衣各二襲二十年命莊署監事

余寬字仲仁永樂庚子鄉薦初授金華知縣復除沙縣時因鄧茂七之亂邑遭屠燼百里盡爲榛莽寬至重建公署招集流亡鎮守刑部侍郎薛希璉一切倚賴之寬亦殫思竭力爲之經理閭井粗復舊觀父子妻孥始得保聚寬以勞瘁卒於官百姓哀之建祠祀名宦(沙縣名宦志)

王漢欽州人里居失考景泰四年知南直儀徵縣歲旱禱雨不應乃詣城隍神告曰令不德責與神等遂以身與神像同鎖以示罰俄而大雨如注民獲有秋(府志據儀徵縣

贛縣志

志

卷三十三

宦業

二

志新增

龍韜字用光以貢爲孝豐丞居官清謹秩未滿力請歸田貧乏不能自存安恬守分絕無外營都御史王守仁嘉其行誼獎以禮幣仍檄有司時加存問量資薪米以崇廉讓  
余光字緝之舉嘉靖元年鄉試授四川涪州知州居官廉明不畏強禦豪右陵鑠細民者必繩以法採木之役事集而民無重累以憂歸起復補廣安州蜀屬也舟過涪涪人率婦子逆於河滸爭饋食頓頰稱祝迺去其治廣安如涪未幾陞南甯同知益自刻勵上官承襲分例盡卻之會討安南毛大司馬伯溫爲帥召入幕府計事多采用其策已而安南降奪國號貶爲都統司功狀上擢南京刑部員外郎居常每以清白自矢謝職歸後家居二十餘年室無餘贏子孫貧乏殆難自存

郭咸和字尙大號融宇與兄咸雍咸熙咸治稱四咸萬歷戊子舉人令海豐海豐巖微多盜咸和強力嚴明捕得盜魁二人伏於庭問以欲死欲生皆號哭乞命咸和曰若能使徒黨歸投當賞汝盜許諾即縱之去翼日復來述其黨內嚮無異志咸和單騎入賊巢

諭撫之邑士大夫聞之皆爲令危而羣賊則已襁負扶携望馬首羅拜稱死罪乃令各陳所業立編冊以區置之有自陳欲爲儒者設義學課之書陞廣州通守罷歸而歿海豐立專祠祀之

劉思騰字搏南思誨弟也少力學思誨目爲千里駒天啓四年舉於鄉崇禎末四方多事愀然曰時勢如此吾猶鬱鬱處鄉井閒不爲國家紓難生平讀書胡爲乎乃就銓曹授廬江令時闖賊猖獗近關陝數省城多陷沒大江以北鳳陽亳壽逼近英霍爲闖逆出沒之區廬江無高山大川可據以爲險識者皆慮其蹈不測思騰叱馭受事略無難色廬江人卜其足恃感曰良翰來也思騰冠戴不踰月卽戎服率衆登陴晝夜防禦巡撫史基與手書稱爲良牧值歲饑移庫銀六百兩命義官至輸糴米以濟巡按張某薦之於朝謂其雅度長才有所措置悉中機宜寇屢犯而孤城屹然足見禦備之嚴時廬屬八邑殘破其七而廬江捍禦二載援師不至獨得安全歸田二十餘載年八十卒賴永正貢生歷知陵水臨高歸化各志稱其平易官民清革錢糧貼解例弊民甚德之

贛縣志

卷三十三 宦業

三

國朝

舒以綸字理壯七鯉鎮人賦性醇篤與人接物敬慎不敢浮飾以貢生任萬年訓導諸生來謁者悉斂容起敬巡撫佟國禎薦於朝未用而卒

劉時通字午音號復齋梅林人康熙二十六年舉於鄉三十六年登進士選陝西合水知縣其治清靜不擾民皆樂之而不獲於上性友愛俸薪之餘盡以付兄不分毫自私解組歸後遁跡山林與黃龍見等作偶會以詩酒自娛太守縣令欲一見之不可得或邀致之終不往

詹宜倫字絳五邑廩生學術深宏器宇豐偉康熙四十一年舉於鄉雖貧不事干謁以授經闕口時因奉檄與修府志一切請託不得行雍正五年選授懷甯知縣賑水災懲猾吏建倉廩去陋規設沿江哨船以巡捕盜賊造學宮祭祀樂器以治行推舉擢廣德州知州州治山環籌密易爲好藪力行保甲法而州境肅清緝獲重獄逸囚搨俸以贖災民子女上官廉其能委以辦銅事自請解運達部引

見仍以直隸知州用請假展墓自是退居邱園以課子孫不與外事乾隆六年興國大水驟發淹沒村邑廬舍浮屍蔽江而下乃募人於儲潭諸水匯流之口以輕舟收而瘞之出金倡率同志購曠野地爲義塚以葬無主者復營田以贍水東渡子邑侯張照乘行社倉法宜倫獨捐粟二百石以爲衆先撫軍陳宏謀特以匾旌性樸質黜浮崇實鄉里奉爲楷模

鍾正瑤字自西例貢由河工効用期滿授衢州府通判遇事強幹上游才之多所委任雍正十一年浙大饑請檄回江省採買米五千石設法運濟經理有方饑民賴以全活以功議敘卒於官

孫麟貴字廣成父經世同弟緯世絃世死於丙戌之難闔室俱殉麟貴甫數齡爲副總兵楊繼所得愛其聰慧子之遂博通文籍以才名爲當途賓禮御史筮里光以小友呼之順治庚子中副榜康熙戊午年將艾始舉鄉薦爲清江教諭陞陝西崇信知縣會征噶爾丹以解馬功

贛 縣 志

卷三十三

宦業

四

賜蟒服在官清勤著聲引年乞歸續修贛郡志卒年八十

姚攀龍號見亭由附貢授瑞州府學訓導歷任祁門博羅知縣廬州南甯同知所至皆強幹有爲署知泗城府兼攝西隆州事時泗城改土歸流新疆多瘴癘攀龍不避巖險殫心化導又裁革驛站夫役苛累寡婦劉氏有獨子李亞保無辜禁囹圄十餘年虛衷鞠實釋之年六十休致歸

胡相良字純一父廷湛諸生有質行相良登乾隆丁丑進士知安東縣地勢窪下河流至此入海常苦積澇丁亥浮雨彌月播種類仍民艱籽種援例借給格不得行相良固請民賴以甦邑書院廢弛已久倡紳士修復置產資諸生膏火平反孀婦被姪佔產之獄邑頌神明後罷歸南安太守延掌東山書院觀察周聘爲濂溪書院山長所造就多知名士

陳兆昌號蓮園乾隆丙辰舉人已未進士分發廣西歷署懷集永淳縣及橫州所至俱有惠政丁內艱歸服闋分發浙江署紹興海防同知補龍游縣知縣上憲嘉其才保舉卓

異以勞節過甚咯血卒

徐紹洵字二泉號忍園幼奮志力學能詩以選拔中雍正乙卯鄉舉由中書陞侍讀轉御史給事中擢汝甯府知府蒞任初適信陽羅山二州邑被旱往勸曲繪灾黎疾苦躬謁大吏如所請入奏發帑賑恤郡學傾頽爲重新之捐俸錢于南湖書院以資講學解任日士民攀轅泣送官內閣諫垣時都門打磨廠會館集賢建造立石紀事撰書皆出其手書由顏米追蹤二王(參府志)

羅以桂號董巖少工於文爲督學李鍾喬所賞識其先居贛百餘年至以桂由甯都籍中式乾隆戊午舉人挑發直隸歷署武邑祁州補饒陽縣所至俱有政聲及病歸囊橐蕭然如寒諸生孫歲貢生傳垣入贛籍

袁嘉德號春舫七鯉鎮人乾隆庚辰舉人登癸未進士官粵東歷署劇邑補陽春令所至有政聲爲粵撫李恭毅所重嘗陳利弊十餘事剴切詳明甚見嘉納高州遞文報者道出電白陽春間亡去電白令某以風聞實三人于法已誣服嘉德輸其文書毀棄之由

贛縣志

卷三十三

宦業

五

辯其誣得平反富民饑歲閉糴鄉人譁于室逐之傷腦後死太守欲寬其罪嘉德力爭曰譁者固有罪今不拒捕而擅殺是富民殺貧弱也卒如議抵罪營兵挾制民船爲編定其役非縣僱不應民立石頌德調新會以積勞成疾卒著有凝春堂藏稿父世緘弟嘉保子猷壯俱孝廉趙鹿泉學使合其文序以行世

袁嘉保號南莊乾隆庚辰與伯兄嘉德同舉於鄉挑發四川值兩金川不靖豐果殺將軍器其才令赴章穀打箭爐幹辦軍務凱旋後改發雲南歷署諸邑補恩樂縣理煩治劇綽有餘裕署永北永善時凡土司贊儀及金沙廠銅廠鹽井陋規一切弗取贛有居永善者居奇甚豐袖數百金來謁謝而卻之其耿介類如此及卒門下士御史嚴烺誌其墓

劉天驥字宿埜少穎異好學修儀表年十五應童子試是時文武互科遂以騎射獲雋登乾隆辛卯進士中丞知其勤慎令督都會郵篆克善其職旋守湖廣荆右衛軍屯訟獄繁多所司選運催科前守多爲猾吏弊混驥竭力清釐胥役不敢奸以私每聽斷不事

刑威與父言慈與子言孝恆有垂涕泣不願終訟者漕運以十年爲一料舊例造則通船出費運則逐年更丁有力之家歲爲胥吏魚肉輾令運費做造例而徵丁則按船計姓按姓輪年不足十年者公運衆擎易舉一勞久逸名曰輪運轉爲定例運弁胥吏皆不得意爲變更歲輪屯賦積逋累驥令各戶按則自封納柜胥役苛索當置法各戶喜咸以減本歲之苛清舊逋不數年年款清積逋亦清矣衙齋寂靜日講經論史課兒曹子開鉞開金開雲開英開鉅皆有聲譽序廉俸有餘悉以市書御史魯贊元頗其室曰鈴閣墨莊秩滿擢直隸白石口總戎爲忌者所中戍西戎及歸已六十餘謝病不仕而卒

袁烜號鯉泉乾隆庚辰鄉舉挑發安徽補全椒令興利剔弊奸民蠶胥無敢逞兩爲江南鄉試同考官所拔皆知名士丙午江北大旱捐廉俸三千金助賑明年大疫爲棺數百殮死者大吏初以譖者言怒之既而察救荒無如全椒令大加獎異歷署滁州和州所至民愛烜好表章幽操全椒有貧婦早寡率其子編竹器爲食子拾人遺金還之烜爲

全椒縣志 卷三十三 宦業

請于上表其閭且爲制恆產有少女將嫁而夫死矢志守節烜聞姑素悍親詣其家呼女出揖之資之食姑畏且感因善視其媳及卒河東鹽運使司沈業富誌其墓子獻增爰例授府經歷分發湖南補長沙歷警黔陽道州皆有惠政

宗超海號雲峰大由鄉人乾隆庚辰鄉舉司鐸廣昌旋選湖北竹谿令嘉慶元年教匪陷竹山與竹谿接壤勢甚急時鄖陽道梗破衆議求援於陝撫秦大中丞俄賊匪攻城谿民洶洶思避海獲謀者齊尙弼等二十六人卽臬以徇身爲士卒先出死力守禦已而陝撫遣師至合兵勦賊追斬賊目陳宗周羅暹等境賴以全當賊勢猖獗時海集鄉勇備糧餉措辦裕如事平後凡村落被掠處賑恤備至卽鄰邑有轉徙入其境者撫循不遺以積勞成疾卒於官奉

旨贈同知賜祭葬銀崇祀名宦子登軾廕縣丞

袁嘉言號立軒由附貢生授吏目分發廣東委辦科場查獲傳遞香山少尹旋補曲江縣尹興利剔弊不留餘力於疑獄多所平反大吏重其才委署朝陽澄海并有政聲卒

澄海官署

徐紹斗號旋齋少孤家貧事母以孝聞性嗜學工詩古乾隆丙午鄉舉初任四川蒲江縣尹值教匪不靖距蒲密邇民多欲遷徙避其鋒紹斗撫慰閭閻設丁壯數百名躬教演以資防禦賊聞風遠竄及任簡州鹽務積弊廓然一清趕運京米鄰邑多掣肘獨措辦裕如爲大吏所器值歲浸捐賑粥三月全活無算調昭化地當北道差務絡繹能不派累民間上游方倚以爲重旋以病歸

邱瑞蓉原名紹沂嘉慶庚申鄉舉由實錄館謄錄選補四川遂寧縣俗悍訟繁難治務以德化大憲委辦搶劫重案發奸摘伏獄無遁情遂邑田嘗苦旱民未知灌溉爲親勘地勢開塘堰數百所以沃田疇遂民世享其利復捐廉買補倉穀萬石全活饑民增給書院膏火振興文教戊子辛卯兩充鄉試同考官署什邡事數月邑人比之前任紀大奎以疾終於任

陽歧字鳳覽大由人篤志苦學乾隆四年進士知江南清河縣事慈惠愛民廉介不苟時

續縣志

卷三十三

宦轍

七

邑旱蝗以諭民捕蝗給賞權挪庫銀被議籍其家惟質票數十紙出廬衣物所值無幾時皆稱爲廉吏

鍾崇保號少甫長興人優貢生援例分發河南知縣權河內篆時教匪滋擾水旱連年加意撫字邑有沁水河堤隨築隨決爲相度形勢捐廉培厚自是無衝溢患增廣覃懷書院課額親爲諸生講解多所成就奉諱家居誘掖後進其子兩登鄉薦二選明經遊庠食餼者接踵族中大事倚以爲重有義舉率衆捐助耄猶好學著有樹經堂文鈔

鍾崇儼號敬亭長興人由附貢生援例補刑部河南司郎中以勤慎見知堂憲每派總辦秋審嘉慶十八年林清逆案株連數百人力爲分別全活甚衆薦擢知嘉興府民多僮訟平湖陳姓孀婦有遺腹子數齡族人利其財誣非陳出請滴血試驗儼笑謂曰何不先試爾等親生者後試彼非所生則疑釋矣衆愧悔請息巡撫顏檢患瀕海多盜儼擬上捕盜章程十二條卽飭各郡通行在任六年盜靖民安以生母年高引疾歸養母終奉遺命置義田義倉移家省垣與諸先達戴可亭諸公爲九老會咸豐間捐助軍餉加

二品銜 賞戴花翎 卒年八十一

武勳附

唐

謝肇字景初生於衣錦鄉今隸興國唐乾符中從父帥義兵征討戰功第一爲安撫江嶺都護遣危全諷平諸竊號賊魁廣明元年以本州刺史改韶州會寇起汀建逼虔討平之已而閩越容管隸卒叛改容管經略處置使督兵進勦肇止諫元惡解散逆黨奏功優詔獎諭進金紫光祿大夫檢校戶部尙書爵會稽子以功名始終衣錦鄉得名以此至今其鄉猶傳謝征蠻鐵兜笠云見祠梧州名宦

梁

盧光稠 譚全播皆南康人也光稠狀貌雄偉無佗材能而全播勇敢有識略然全播常奇光稠爲人唐末羣盜起南方全播謂光稠曰天下洶洶此眞吾等之時無徒守此貧賤爲也乃相與聚兵爲盜衆推全播爲主全播曰諸君徒爲賊乎而欲成功也若欲成功當得良帥盧公堂堂眞君等主也衆陽諾之全播怒拔劍擊木三斬之曰不從令者



如此木衆懼乃立光稠爲帥是時王潮攻陷嶺南全播攻潮取其虔韶二州又遣光稠弟光睦攻潮州光睦好勇而輕進全播戒其持重不聽度其必敗乃爲奇兵伏其歸路光睦果敗走潮人追之全播以伏兵邀擊大敗之遂取潮州是時劉巖起南海擊走光睦以兵數萬攻虔州光稠大懼謂全播曰虔韶皆公取之今日非公不能守也全播曰吾知劉巖易與爾乃選精兵萬人伏山谷中陽治戰地於城南告巖戰期以老弱五千出戰戰酣僞北巖急追之伏兵發巖遂大敗光稠第戰功全播悉推諸將光稠心益賢之梁初江南嶺表悉爲吳與南漢分據而光稠獨以虔韶二州請命於京師願通道路輸貢賦太祖爲置百勝軍以光稠爲防禦使兼五嶺開通使又建鎮南軍以爲留後開平五年光稠病以符印屬全播全播不受光稠卒全播立其子延昌而事之延昌好遊獵其將黎求閉門拒延昌延昌見殺求因謀殺全播全播懼稱疾不出求乃自立請命於梁乾化元年拜求防禦使求暴病死其將李彥圖自立全播益懼遂稱疾篤杜門自絕彥圖疑之使人覘其動靜全播應覘爲狀以自免彥圖死州人相率詣全播第扣門

請之全播乃起遣使請命於梁拜防禦使全播治虔州七年有善政楊隆演遣劉信攻破虔州以全播歸廣陵卒年八十五當盧氏時劉襲已取韶州及全播被執虔州遂入於吳（五代史本傳）

楊玠曰贛舊志列盧光稠於刺史又躋之忠義而謝詔削之止入紀事詔之言曰唐書載光啓元年春正月南康賊帥盧光稠陷虔州自稱刺史書法甚明朱溫篡唐在天祐四年距光啓初且二十二年卽云請命於梁願通貢賦亦據防請後之故智律以春秋之義在所當討削其官並削其傳所以誅僭竊於旣死也又曰光稠一時僭竊之雄唐史名其爲賊孝子慈孫能爲之改乎乃贛縣寧都上猶萬安俱志其鄉人諱言稱王事恐爲晉董狐齊太史所笑詔之言嚴矣而必名之爲賊亦不足以服光稠之心且其事亦有可疑者刺史朝廷命官也以自稱者列職官非惟不可訓亦失其實削之是也然果自稱刺史五代史何以不載歐公傳光稠事甚詳而此獨闕其可疑也稱王之事兩史皆不載五代史載梁爲置百勝軍以光稠爲防禦使兼五嶺

開通使矣又建鎮南軍以爲留後矣豈有稱王而反遺之又可疑也贛縣寧都上猶萬安俱載其爲鄉人里居則莫得而考五代史曰盧光稠譚全播皆南康人贛之爲郡自隋而後倏名南康倏名虔州輾轉不同地未嘗改光稠果贛人其有虔州也應書據書竊而曰陷與取則有戰鬪攻略之事非坐而有之亦明矣當時唐室之天下已非已有自黃巢亂後楊行密馬殷王建劉隱之徒擁衆建節僭竊割據者不可勝數南康地處嶺北去京萬里道途梗塞光啓之時固非唐之版章矣歐公之傳曰是時王潮攻陷嶺南全播攻潮取其虔韶二州是光稠之虔州取之於王潮而非取之於唐室也視夫犯闕劫駕殺君篡國者不猶有間乎歐公之撰五代史也十國稱帝者皆列於世家如光稠輩並列於雜傳亦以時無眞主誰爲臣子聽其自爲而已矣然而唐史賊之則何也曰普天之下莫非王土唐社一日未屋則據唐之士者皆唐之賊也朱溫非賊乎李克用非賊乎王建劉隱非賊乎稱帝者帝之稱王者王之而光稠獨蒙賊名吾故曰不足以服光稠之心也是故唐史賊之則可贛志賊之則不

必也顧以請命京師願通道路輸貢賦爲據防諸後之謀則不特不識光稠之意謝公直爲史欺矣夫光稠豈眞臣於梁者哉亦豈真有要於梁者哉特以其時嶺南楚閩無非割據之徒光稠以二州孤立其間以戰則恐不支以守則恐不固計非梁無可托命者故借之以爲先聲脫有緩急可呼籲以爲援耳終溫之世而四隣不加兵友恭失政梁室將危楊隆演始起而取之其效可觀矣朱溫之爲賊甚於光稠而虔又素非其所有烏得爲據又烏得爲要哉不賊朱溫而賊光稠又以要君爲言是竟眞乎朱溫之爲君也光稠其服乎哉且其後楊隆演嘗取而有之矣則何以不賊隆演也是乃所謂爲史欺也故吾之於光稠也錄其傳以著保境全民之功以見善善從長之意譚全播與盧光稠無異同不更論

論曰是時唐主寄生草竊執命內無宗臣以爲謀主外無桓文以爲強援稱兵自雄者差肩而立孰爲正孰爲僞哉光稠取王潮二州而治虔其受事若與鍾傳彭玕等而審其時勢則固已不王而土矣何者賦稅自予生殺自擅官爵自命非王而何原

其始之所以屬服於吳者國新造而勢迫也繼之所以請命於梁者倚援於大國將相勢而動軋吳而分其版章也今作志者第取其有保境息民之功可矣若譚全播始以智計佐光稠及光稠之病也屬以符印不受又不能諫延昌而聽其見殺逮黎求李彥圖相繼自立乃杜門稱疾以自全豈強弩之末乎抑兵柄已去獨木難支也

南唐

白昌裕虔州書生南唐元宗遣嚴思討張遇賢於白雲洞邊鎬爲監軍鎬知昌裕沈密有謀引與定計刊木開道以襲之賊衆遂潰其裨將李台執遇賢以降（採十國春秋）

宋

周虎臣虔州人與陳敏齊名政和初薛弼守虔州知其才善待之後福州大盜有管天下伍黑龍滿山紅之號衆甚盛弼以集英殿修撰往知其州乃奏虎臣爲副將敏爲巡檢選兵壯千人號奇兵日給糗糧責以滅賊凡四年而賊年（宋史薛弼傳）

元

贛 縣 志

卷三十三

宦業

十一

劉德字崇賢號竹隱東韶人戶部侍郎震霆子魁岸奇偉有文武略元世祖至元間以明經授贛州路總管曆經歷二十五年山寇竊發有崖石寨劇賊進據本邑九峯山出沒爲害德習知地形嶮要繪圖指陳進兵方略躬領健卒深入搗其巢穴執其渠魁衆皆就降餘寇以次悉平行省列其功狀授平寇上將軍延祐間歿賜諡祭葬稠村小弔面按綱目世祖二十五年江南兵起世祖紀是年三月循州賊萬餘人寇漳浦泉州賊二千人寇長泰汀贛畚賊千餘人寇龍溪皆討平之夏四月廣東賊董賢舉等七人皆稱大老聚衆反剽吉贛瑞撫龍興南安韶雄汀諸郡連歲擊之不能平二十六年賊鍾明亮寇贛州掠寧都據秀嶺王呂魯奏江南盜賊凡四百餘處宜選將討之帝曰月的迷失屢以捷聞忙兀帶已往卿無以爲慮尋月的迷失請以降賊鍾明亮爲循州知州宋士賢爲梅州判官邱應祥等十八人爲縣尹巡尉帝不許命之赴都十月湖廣省臣言近招降贛州賊胡海等令將其衆屯田自給今過耕時不恤恐生變命發米賑之二十七年江西羣盜鍾明亮等復降詔徙爲首者至京師而給其餘黨

糧五月江西行省管如德行院月的迷失合兵討反寇鍾明亮降詔縛致闕下如德等留不遣明亮復率衆寇贛州樞密院以如德等違詔縱賊請詰之從之詔罷江西行樞密院江西行省言吉贛湖南廣東福建以禁弓矢賊益發乞依內郡例許尉兵持弓矢從之八月以南安贛建昌豐州羅鍾明亮之亂悉免其田租據此則贛州之亂在至元二十五年至二十七年方平而循州之鍾明亮屢降復叛爲害尤甚民之被跲藉幾無寧日劉平寇之建功是時可謂解民於倒懸矣

明

余恩贛州衛指揮僉事素有勇謀爲督府王守仁所任用公平橫水桶岡三利等巢恩常冠軍冒險衝鋒屢列功狀陞指揮同知宸濠反王公誓討賊恩領黃鄉堡葉芳兵會於樟樹分布亟進使伍公文定兵當其前恩兵繼其後邢公珣兵繞出賊背徐公澹戴公德孺張兩翼以分其勢賊過黃家渡勢銳甚文定佯北以致之賊趨利前後不相顧珣從後橫擊直貫其中賊敗走恩督兵乘之袁臨兵合勢夾攻賊潰走十餘里明日戰

贛縣志

卷三十三

宦業

十二

風不便文定躬親銳砲火熱其鬚兵少卻恩率葉芳兵突馳策應各兵並進擒斬二千餘級溺死者無算賊退保八字腦又明日用火攻四面俱集濠就擒以功陞江西都指揮同知薦改廣西終參將

姚璽世爲贛州衛指揮使正德間從虔撫王守仁征三泖率民兵梅南春等從龍川烏龍鎮入與諸軍合力屢有戰功出師九三月盡平之嘉靖五年虔撫潘希曾出兵討泖頭賊失利乃命璽同周知伍佐等統兵繼之戰於龍南太平堡中泖等處擒其賊首餘黨逃竄匿迹奪回被擄官民後賜諭葬

孟昇祖孟德原籍山東鄒平縣充濟南衛累攻討有功陞武德將軍調江西都司贛州衛千戶所世襲正千戶所籍贛正德十二年四世孫昇隨都御史王守仁征桶岡賊藍天鳳謝志山等生擒賊藍老葉子及朱廖富十四年隨征宸濠又生擒賊朱鑾白欽憲陳才功陞指揮僉事嘉靖三十六年流賊犯贛昇子息射殺旗頭賊首並賊從多人乘勝追擊被圍陣歿以子應登襲職

黃榜字魁字右所干戶禦寇屢建奇勳陞四川都司浙江處州參將又陞狼山總兵氣宇雄傑智略過人馭士卒恩威並著上憲咸以頗牧重之

孫蘭字同軒萬曆癸酉科武舉襲父韜爵後所正干戶累功陞贛右營都司時廣寇侵掠都司進勦寇服神威宵遁所掠男婦盡得生全陞浙江溫州海防參將課諸子絕不言兵事一以詩禮有羊叔子之風

國朝

許貞原籍福建漳州爲勝國海澄公標員總兵官康熙八年投誠來歸以原官屯田贛縣康熙十三年三藩叛亂耿逆以僞劄招貞貞出首於巡撫白色純白嘉其忠上其事於簡親王時三逆惟吳最猖獗遣僞將高得捷韓大任將兵由桂陽襲吉安據之贛州屬邑大半爲賊所得廣東安達公尙之信與吳逆通謀兵出庾嶺遂反南安南康皆失尙之信自稱招討大將軍以嚴自明爲都統先鋒逆擊鎮南將軍周某兵死者萬計且約高得捷夾擊以圖破贛巡道王紫綬乃薦貞標下許盛於鎮南將軍盛自海澄公屬來

贛

縣

志

卷三十三

宦業

十三

歸爲遊擊都督而貞爲屯官總兵盛乃與貞謀夜率五百人穴地出城潛渡江遠自明營後大呼殺賊賊驚起自亂不戰而潰貞與盛噪而乘之遂復南安郡屬閩將賈振魯陷石城圍寧都貞與鎮帥劉進賢敗之會前營遊擊管天祥領兵來援遂復石城解寧都圍而旋時簡親王奉

命平定江西而撫州建昌廣信三部俱爲賊據王飛檄召貞貞與賊戰却之遂復撫州建昌及移兵廣信建昌復爲賊據王追貞還貞日夜馳二百里抵建昌賊偵知貞至棄城走保麻姑諸山王趣進兵貞曰殺賊須兵力今一晝夜行二百里兵力疲矣必休息數日乃可用此小醜釜底遊魂不足慮也初賊晝夜設防禦爲戰具以待及數日見無進兵意備遂懈弛貞忽於半夜傳令蓐食進兵五鼓出城及曙已薄麻姑山分搗賊巢四路兵合賊倉卒不及相持分奔逃竄方貞出時未啓之王及王知貞出遙望山間旗幟飄揚草木動搖四山皆震王喜不勝曰此眞江右長城也及午貞統兵歸王親迎之十餘里貞謝未先白王罪王曰軍機宜密苟利國家何必先啓因撫貞背曰江右有公

賊之蕩平不難矣由是散所俘衆任其歸田欲就伍者聽乃提兵赴廣信同浙督標兵並進攻破入餘等集駐兵廣信建昌紳士梅之珩等二十餘人叩營哭曰賊破建城時勒授僞劄不受者死諸陷賊者皆迫於勢非甘心從賊也今公平復建昌府守欲將諸人勘問身家喪亡期在旦夕貞曰爾等豈願從賊不過爲其脅耳我竭力勞心以保爾合郡生靈今府守不能體恤反於寧靜後肆其羅織民何以堪遂移文申飭並啓之王及江西巡撫建昌諸人士由是得生全乃立廟置田祀之西門外雍正初詔毀生祠建昌諸士以貞實有功於其地陳詞上官廟得獨存簡親王以貞平江西授江西提督駐劄建昌復移鎮廣信後因江西腹省舊無提督乃調廣東提督軍門左都督加太子少保進拖沙喇布勒哈番又一拜他喇布勒哈番世職准承襲三次註籍贛州衛康熙四十年卒於官

諭賜祭葬嫡子許鳳朝承襲官至兵部職方司郎中及鳳朝故嫡孫許克寬再承襲長子許克恭官至西城兵馬司共襲二次尙存一次以克寬無嗣而止

許盛原籍福建同安人從總兵許貞充海上參將投誠安置贛州屯墾三藩叛聞將賈振魯圍甯都石城巡道王紫綬薦盛禦賊復二縣斬僞都督征石碇擒僞總兵斬僞遊擊補南贛鎮右營遊擊討平會昌瑞金諸賊僞將嚴自明兵數萬犯南贛立木柵守之盛值搗其柵自辰至午破而焚之補本鎮中軍遊擊征上猶賊斬僞將軍二總兵一卒二千餘收復擄獲民人以功署都督僉事隨將軍蟒復南安招降僞侯嚴自明等復隨提督趙討韓大任俱斬將殺賊隨本鎮破上猶賊攻溪山屢捷平其巢穴進右都督尋轉左都督復攻崖石寨賊降逆首朱明收萬餘人投拖沙喇哈番二十二年移鎮襄陽時夏逢龍作亂於武昌盛入城諭之不從體被四箭爲解縛得逸歸移鎮宣府尋被勦罷曹建龍字麗天其先直隸遵化縣人籍山西興縣祖艷官國初從大兵定山東收復贛州因居贛後攻廣西李定國歿於陣叔父觀亦戰歿於江西羅漢崖祖及父俱以建龍貴贈榮祿大夫葬於贛州及建龍爲袁州副將申文督撫達部准入籍遂爲贛人建龍生而魁偉岸異有智勇康熙十三年滇黔閩粵三藩逆亂贛州屬縣諸盜蜂起乃拔身

行間隨征會昌賊授把總勦龍泉定南龍南諸賊斬其偽官又從捷信豐斬偽副將張茂釋放賊所掠民無數調赴南康縣堵禦粵逆衝殺兩粵偽總管嚴自明戰敗偽將張王郭范余何等進千總是時滇逆踞吉安粵逆陷南安上下阻隔賊勢猖獗建龍隨遊擊李恢招撫偽總兵楊夢月等而自擊退南雄賊又勦平寧都議功陞守備改都司僉書隨宣義將軍尙征勦興國賊進福建興化鎮標中軍遊擊調赴銅山城守加都督僉事二十二年大兵征臺灣委運軍糧有功累遷杭州城守水師副將丁母憂服闋補左都督江西袁州副將進江西南昌鎮兼管瑞撫建廣饒等處總兵官建龍爲人雖精武略而存心平恕遇敵以身先士卒皆奮發敢前卒收成功任水師時屢經調移不憚煩悴在杭州仲嚴紀律調和滿漢兵民不致交訐在袁州革歷年侵糧之弊迨官總兵力行寬大以安民俗在任三年卒給

諡祭誥授榮祿大夫子光榮監生吏部銓注州同光耀宜春籍武舉官沔陽衛守備孫元仁光耀子爲光榮後以廕授盛京刑部員外丁憂服闋補刑部廣西司員外遷兵部

續 縣 志 卷三十三 官業 十五

職方司郎中條奏賑恤事宜特差通州坐糧廳官滿歸兵部職方司郎中擢河南府知府在官多善政詳免新安孟津兩邑浮糧民歌舞之元仁子鎮例貢生直隸試用縣丞劉伯祿原籍遼東人順治元年由軍功進山東膠州副將三年攻克南嶺任管鎮標左營副將事八年授拜他喇布勒哈番又一拖沙喇哈番世職准襲三次十年授廣東潮州總兵官因病告休行至輪州病篤卒於贛州

題隸入册贛州衛嫡男劉天光身故未襲嫡孫劉承廉襲十四年二月江西都院白收標効用十五年高韓二逆侵犯吉安承廉殺賊有功推授江南江甯城守右營遊擊調陞福建連江營城守遊擊因病告休嫡曾孫劉宗瀚襲宗瀚病未仕嫡元孫劉廷再襲嫡自強原名孔國治原籍遼東人由前鎮前鋒營遊擊於順治四年調任江西南贛鎮後營遊擊勦蕩信豐甯都等處殺賊有功八年授拜他喇布勒哈番世職十七年五月以都督僉事充鎮守江西南贛總兵官康熙四年十一月加署都督同知八年十一月改福建海澄總兵官九年復本宗姓名姚自強十年調補江南蘇松水師總兵官在任病

故嫡男姚尙倫承襲註入贛州衛征勦有功歷陞廣東右翼總兵官

楊嘉瑞原任南澳總兵官左都督於康熙二十二年大舉平海克取澎湖三十六嶼島給拜他喇布勒哈番世職病故嫡男楊三印未襲而卒嫡孫楊文照承襲世職授磁州都司

賈熊原籍遼東廣寧衛由山海左營參將順治元年入關追勦李自成往昌平居廣安撫勦諭土寇隨總鎮柯永盛征勦山東擒闖賊僞官趙應元勦滅餘黨三年同左營副將劉伯祿援勦南贛勦僞總兵羅明受破廣閩諸賊木城五座又破滇象賊營水城三座時明閣部楊廷麟倡義孤守贛城劉伯祿鼓勵親信官兵同賈熊三更奮勇登梯上城殺守陴者楊廷麟力不支赴西城投水死遂克贛城四年陞鎮南贛五年金王二叛圍贛城熊枕戈西門賊不敢犯五月擊賊兵大敗宵遁九月廣賊李成棟圍贛城十月出西門奮勇攻破賊營數座授副將六年僞總督曾同旦犯粵都同劉伯祿陣擒曾同旦僞監軍道廖任龍僞都司廖士如會同滿洲貝勒斬之八年積寇閩王總羅榮寇犯南

安等處同劉伯祿征勦賊酋大敗追至廣東保昌縣擒獲閩王總羅榮給拜他喇布勒哈番世職又蕩掃寧都宜黃安遠往來上猶等縣賊又攻破瑞金羅漢巖賊十二年署都督僉事仍管城守副將事十四年告病休致註贛州衛世襲拜他喇布勒哈番嫡孫賈厚宏承襲陞任福建全州城守遊擊

劉進寶山東人康熙十一年由副將擢贛州鎮閩賊僞帥賈振魯率衆圍石城圍都進寶親統銳師會屯帥許貞聯兵進勦於寧都南門外賊不能支奔石城尾而追之一戰賊敗斬殺無算獲器械甲仗如山遂復石城時禁旅自粵歸者麇集贛城進寶馴而弭之民不恇擾

賈鯨即熊之姪原山海關守備順治四年隨熊歸誠逾從之征山東討平之闖賊破青州鯨復之明年由江寧移駐江西征勦南贛明總兵羅明受率兵數萬船百餘艘與賊敗之焚其舟隨攻破贛閩滇象諸寇克木城五於十月朔之半夜鼓勇登梯入贛城破之隨勦瑞金石城寧都會昌安遠長甯信豐興國龍泉龍南上猶崇義各縣諸寇山寨石



背石灰七寶水南洪石通天官人長勝等寨獲賊首羅泰宇毛行恕僞總兵廖福奇黃海明謝泰真謝稷參將劉倫梅魁鍾陸副將沈萬約都司孔大學萬繼謝發達何冲實二十八宿賴嘉謀兵部袁萬全俱械送撫鎮斬之又擒斬三縣賊首溫應宗五年正月同領兵參將孔國治栗養志等征龍南縣梅子坑獲明兩廣軍門葉南芝副將葉有樹葉光芬滋陽王妻孔氏三月叛將金聲桓王得仁圍贛州八十一日鯨枕戈擐甲宿西門甕城拒敵自三月十九至五月初十日大小百餘戰生擒賊二百餘名死者不計九月三十日廣賊李成棟犯贛次日鯨領兵出西門破其二營追奔至南康縣六年隨固山及副將楊遇明由峴嶺進兵攻破閩蝦蟆廣賊營五追至信豐縣當即將賊圍守李成棟投河水死追奔餘賊一百三十餘里殺賊無數進都司僉書七年南贛撫院劉武元薦鯨才能五月給拜他喇布勒哈番世職九年授南贛鎮左營遊擊十二月征勦龍泉縣紅頭賊生擒賊首王英等招撫殘黎又奉令牌由閩道進勦南康上猶崇義交界諸賊陣斬僞參遊譚有謀羅崇禮十三年補撫州營遊擊五月劄授世職定衛贛州尋

贛

縣

志

卷三十三

宦業

十七

被本營中軍蘇文科誣揭革職訊明免罪回贛衛駐籍

賈鯨卽鯨之弟康熙十三年吳逆叛撫院董提鯨軍前效用委爲隨征把總十五年四月隨總督董追勦韓大任八月征勦廣信府朱統錫十月征勦銅鼓賊恢復城池十七年隨總督出師吉安征郭應輔七月征廣信江機楊豹十八年正月隨總督出師湖廣抵寶慶府叛賊吳國貴衆數十萬駐於紫陽河鯨隨師奮勇殺敗賊追至雙井舖賊與相拒大戰三日夜和碩安親王親督官兵追至武岡州十一月署參將事十九年領兵攻奪黃茆嶺諸處斬僞總兵劉宗聖擒僞總兵張茲文追賊至沅州賊聚兵鎮遠府鯨隨督帥恢復鎮遠十二月抵貴州駐劄二十年十二月班師二月回江西進右都督填贛縣贛州衛承襲兄鯨世職拜拖喇布勒哈番再准襲一次三十九年病故子原壽亦隨征身故

王大勝號捷鋒生而膂力絕倫康熙二年隨王師討叛有功領中營把總後屢奉檄誅勦賊黨先後奏捷三十有六官至左都督管副總兵事生平與士卒同甘苦衝鋒陷陣輒

以身先以故軍士感激所向有功攻克之日禁軍中不得擄掠贖入受其惠尤多每呼爲王生佛初係撫州金谿人及致仕歸遂家於贛

羅玉祥城南謝細巷人以勇力從軍爲南安外委轉永鎮營把總分駐瑞金道光二十一年廣東夷匪滋事調征有功賞藍翎六品銜咸豐二年粵匪竄擾湖南派塔蓮花廳義寧州等處以功授贛標後營千總旋調回省守城率兵前戰不避危險擢撫標右營守備加都司銜派領彰武軍堵勦景德鎮玉山各路賊踞臨江署臨江營都司督勇往討與湖南諸軍克復遷除永新營都司保換花翎玉祥強壯精明能得士死力故所至鮮有挫衄旋疾作終於任